

史料旬刊

第六期


史記卷一百一十五

卷一百一十五

中華民國十九年七月二十一日出版

史料旬刊第六期

編輯所 故宮博物院文獻館
 發行所 神武門外發售室
 印刷所 京華印書局



價目表		郵費	
每旬一冊	四角	外埠	每期一角
預定半年十八冊	六元五角	外國	每期二角
預定全年三十六冊	十二元	本院發寄刊物均交郵局掛號遞送以免遺失	

本市	商務印書館	中華書局
上海	文明書局	世界書局及
天津	其他各大書店均有代售	

史料旬刊第六期目錄

嘉慶誅和坤案

(一) 上諭

(二) 上諭

(三) 上諭

(四) 上諭

(五) 上諭

(六) 上諭

(七) 上諭

(八) 上諭

(九) 上諭

(十) 軍機處奏

割辦案 乾隆三十三年

(一) 廷寄

(二)富尼漢摺三

(三)方觀承摺二

(四)廷寄八

(五)廷寄九

(六)廷寄十

(七)廷寄十一

(八)廷寄十二

(九)廷寄十三

(十)諭旨二

(十一)廷寄十四

(十二)廷寄十五

(十三)廷寄十六

(十四)劉統勳等摺

(十五)劉統勳等摺二

(十六)諭旨三

(十七)廷寄十七

(十八)廷寄十八

乾隆二十四年嘆咭喇通商案

(一)莊有恭摺二

(二)莊有恭摺三

湖北荊門孫大有何佩玉等謀爲不軌案

(一)定長摺

(二)上諭

(三)廷寄

(四)鄂寶摺

(五)牛天畀摺

道光十一年查禁鴉片烟案

(一)鄧廷楨摺

(二) 盧坤摺

(三) 琦善摺

(四) 保昌摺

(五) 楊國楨摺

(六) 吳榮光摺二

道光朝外洋通商案

(一) 阮元摺二

(二) 武隆阿等摺

(三) 嵩孚片

(四) 都察院摺

(五) 阮元摺三

(六) 達三片

嘉慶誅和坤案

上諭

嘉慶四年正月初九日奉上諭和坤福長安已革職拿交刑部在京家產均經查抄其熱河寓所必有存貯物件著書魯等就近查抄將陳設器玩等件一併解京並著姚良親身押帶前來毋稍疎漏欽此軍機大臣遵旨傳諭熱河總管書魯姚良

上諭二

嘉慶四年正月初九日奉上諭和坤獲罪重大已革職拿交刑部矣昨查抄京中住屋多有「僭妄」踰制「者」因思薊州墳塋亦恐有規模僭越及侵占民田之事即在彼藏匿寄頓亦所不免著吳熊光轉令清河道瞻柱馳赴該處詳晰履勘將和坤所建墳塋規制繪圖呈覽並將有無侵占民田寄頓貲財之處逐一詳查毋稍隱漏至和坤家人呼什圖卽內劉家貲豐厚所置田產聞在

鄉屯者居多著吳熊光一併詳查毋任絲毫影射除就近傳知順天府尹嚴查外將此諭令知之欽此軍機大臣遵旨傳諭直隸布政使吳熊光

凡一「中」字皆係嘉慶就原稿添改以下各諭同

上諭三

嘉慶四年正月十一日內閣奉上諭和珅受大行太上皇考特恩由侍衛洊擢至大學士在軍機處行走多年叨沐殊施在廷諸臣無有其比朕親承付託之重茲猝遭皇考大故苦塊之中每思論語所云三年無改之義如我皇考敬天法祖勤政愛民實心實政薄海內外咸所聞知方將垂示萬年永爲家法何止三年無改至皇考「所」簡用「之」重臣朕豈「斷不」肯輕爲更易卽「有」獲罪「者若」稍有可原猶未嘗不思保全此實朕之本衷自必仰蒙昭鑒今和珅情罪重大並經臣工「科道諸臣」列款參奏實有難以刻貸者是以朕於恭頒遺誥日「一卽」將和珅革職拿問臚列罪狀特諭衆知之朕於乾隆六十年九月初三日蒙皇考冊封皇太子尙未宣布諭旨而和珅於初二日卽在

朕前先遞如意漏洩機密居然以擁戴爲功上年正月皇考在圓明園召見和
坤伊竟騎馬直進左門過正大光明殿至壽山口無父無君莫此爲甚又因腿
疾乘坐椅轎抬入大內肩輿出入神武門衆目共覩毫無忌憚並將出宮女子
取爲次妻罔顧廉恥年來剿辦川楚教匪皇考盼望軍書刻縈宵旰乃和坤於
各路軍營遞到奏報任意延擱有心欺蔽以致軍務日久未竣前奉皇考勅旨
令伊管理吏部刑部事務嗣因軍需銷算伊係熟手是以又諭令兼理戶部題
奏事件伊竟將部務一人把持昨冬皇考聖躬不豫批摺字畫間有未眞之處
和坤膽敢口稱不如撕去竟另行擬旨臘月間奎舒奏報循化貴德二廳賊番
聚衆千餘搶奪達賴喇嘛商人牛隻殺傷二命在青海肆行搶掠一案和坤竟
將原奏駁回隱匿不辦及皇考升遐後朕諭令蒙古王公未出痘者不必來京
和坤不遵諭旨令已未出痘者俱不必來京不顧國家撫綏外藩之意「其居
心實不可問」大學士蘇凌阿兩耳重聽衰憊難堪因係伊弟和琳姻親竟欺
隱不奏侍郎吳省蘭李潢太僕寺卿李光雲皆曾在伊家教讀並保列卿貳兼
任學政又軍機處記名人員任意撤去種種專擅不可枚舉昨將和坤家產查

抄所蓋楠木房屋僭侈踰制其多寶閣及隔段式樣皆仿照寧壽宮制度其園
寓點綴竟與圓明園蓬島瑤台無異不知是何居心又所藏珠寶內珍珠手串
二百餘串較之大內多至數倍並有大珠較御用冠頂尤大又寶石頂並非伊
應戴之物伊所藏眞寶石頂數十餘個而整塊大寶石不計其數且有內府所
無者至金銀數目尙未抄畢已有數百餘萬之多似此貪黷營私實從來罕見
罕聞以上各款皆經王大臣等公同翰訊和珅俱供認不諱和珅如此喪心昧
良目無君上貽誤軍國重務弄權舞弊僭妄不法而貪恣無厭蠹國肥家猶其
罪之小者實屬辜負皇考厚恩設數年來廷臣中有能及早參奏必蒙聖斷立
賞重典而竟無一人奏及者在「內外」諸臣自以皇考聖壽日高不敢煩勞
聖心實則畏懼和珅箝口結舌皆朕所深知今和珅罪狀已著其得罪我皇考
之處擢髮難數亦百喙難辭朕若置之不辦何以仰對在天之靈此不得已之
苦衷爾封疆大臣等以爲何如除交在京王公大臣會審定擬外著通諭各督
撫將指出和珅各款應如何議罪並此外有何欺蹟各行據實迅速覆奏欽此

上諭四

嘉慶四年正月十三日內閣奉上諭本日伊江阿由驛遞到奏摺有寄和珅書信業經聞知大行太上皇帝龍馭上賓信內惟諄勸和珅節哀「辦事等語」而於朕遭罹大故並無一「字提及」語點去即以常情而論寄書唁問自當以慰唁人子爲重今伊江阿於和珅則再三勸以節哀而於朕躬僅照常具一請安之摺轉將尋常地方事件陳奏不知其是何居心昨吳熊光一聞皇考升遐之信即專摺瀝陳哀悃敦勸朕躬情詞真切似此方合君臣之義吳熊光係漢人又祇係布政使尙有本「良」心伊江阿身爲滿洲現任巡撫又係大學士永貴之子且曾在軍機處行走非不曉事者可比乃竟如此心存膜視轉於和珅慰問殷勤可見伊江阿平日不知有皇考今日復不知有朕惟知有和珅一人負恩昧良莫此爲甚伊江阿著傳旨嚴行申飭並交部嚴加議處仍著明白回奏欽此

上諭五

嘉慶四年正月十四日內閣奉上諭吏部議處左都御史吳省欽一摺昨「因」吳省欽條奏摺內語多不經以伊平日學問而論尙不至如此迂誕蓋伊自揣係和珅私人且在學政任內聲名甚屬平常恐被人列款彈劾故爾避重就輕先爲此荒謬之奏藉得罷官回籍遂其田園之樂其居心取巧大率不出乎此但此係誅心之論吳省欽劣蹟既未敗露朕亦不爲己甚姑免深究卽論其陳奏荒謬已難勝臺長之任吳省欽著卽照部議革職「回籍」欽此

上諭六

嘉慶四年正月十五日內閣奉上諭朕躬閱皇考硃筆有嚴禁內外大臣呈進貢物諭旨二道聖訓煌煌垂誠至爲明切夫貢之爲義始於禹貢原指任土作貢而言並非崇尚珍奇所謂不貴異物賤用物也我皇考頒諭飭禁至再至三祇因和珅攬權納賄凡遇外省督撫等呈進物件准遞與否必須先向和珅關白伊卽擅自准駁明示有權而督撫等所進貢物在皇考不過賞收一二件其餘盡入和珅私宅是以我皇考雖屢經禁止仍未杜絕試思外省備辦玉銅瓷

書畫插屏掛屏等件豈皆出自己貲必下而取之州縣而州縣又必取之百姓稍不足數敲撲隨之以閭閻有限之脂膏供官吏無窮之賸削民何以堪況此等古玩饑不可食寒不可衣眞糞土之不若而以奇貨視之可乎國家百數十年來昇平昌阜財賦豐盈內府所存陳設物件充牣駢羅現在幾於無可收貯之處且所貢之物斷不勝於大內所藏即或較勝朕視之直如糞土也朕之所寶者惟在時和年豐民物康阜得賢才以分理庶政方爲國家至寶耳至應進土物「貢」原爲日用所必需如吉林黑龍江將軍每年所進貂皮東珠人參係該處所產之物其他如川廣之藥材九江之瓷器江浙之綢緞及徽墨湖筆牋紙茶葉瓜果等項原不外任土作貢之義仍准按例呈進所有「如意」玉銅瓷書畫掛屏插屏等物嗣後概不許呈進至在京王公大臣每年所得分例祇足「尙不能」敷當差之用更無「豈有」餘貲亦不許呈進貢物若內廷翰林所錄御製詩文冊頁及自作書畫仍准「等件尙可」呈進亦「斷」不許增入古玩至各省鹽政織造關差等並無地方理民之責其應交盈餘銀兩現令戶部查明方擬酌減伊等辦公更可裕如應進貢物准其照例呈進再年

節王公大臣督撫等所進如意取兆吉祥殊覺無味諸臣以爲如意而朕觀之轉不如意也亦著一併禁止經朕此次嚴諭之後諸臣等有將所禁之物呈進者即以違制論決不稍貸特此明白宣示通諭中外知之欽此

上諭七

嘉慶四年正月十六日內閣奉上諭昨經降旨將和珅罪宣諭各督撫令其議罪茲據直隸總督胡季堂奏稱和珅喪盡天良非復人類種種悖逆不臣蠹國病民幾同川楚賊匪貪黷放蕩真一無恥小人喪心病狂目無君上請依大逆律凌遲處死並查出和珅薊州墳塋僭妄違制及附京州縣置有當舖貲財現飭查辦各等語又據連日續行抄出和珅金銀等物特再行諭衆知之朕於乾隆六十年九月初三日蒙皇考冊封皇太子尙未宣布諭旨而和珅於初二日卽在朕前先遞如意漏洩機密居然以擁戴爲功其大罪一上年正月皇考在圓明園召見和珅伊竟騎馬直進左門過正大光明殿至壽山口無父無君莫此爲甚其大罪二又因腿疾乘坐椅轎抬入大內肩輿出入神武門衆日共觀

毫無忌憚其大罪三並將出宮女子取爲次妻罔顧廉恥其大罪四自剿辦川楚教匪以來皇考盼望軍書刻縈宵旰乃和坤於各路軍營遞到奏報任意延擱有心欺蔽以致軍務日久未竣其大罪五皇考聖躬不豫時和坤毫無憂戚每進見後出向外廷人員叙說談笑如常喪心病狂其大罪六昨冬皇考力疾披章批諭字畫間有未真之處和坤膽敢口稱不如撕去竟另行擬旨其大罪七前奉皇考勅旨令伊管理吏部刑部事務嗣因軍需銷算伊係熟手是以又諭令兼理戶部題奏報銷事件伊竟將戶部事務一人把持變更成例不許部臣參議一字其大罪八上年十二月內奎舒奏報循化貴德二廳賊番聚衆千餘搶奪達賴喇嘛商人牛隻殺傷二命在青海肆劫一案和坤竟將原奏駁回隱匿不辦全不以邊務爲事其大罪九皇考升遐後朕諭令蒙古王公未出痘者不必來京和坤不遵諭旨令已未出痘者俱不必來全不顧國家撫綏外藩之意其居心實不可問其大罪十大學士蘇凌阿兩耳重聽衰憊難堪因係伊弟和琳姻親竟隱匿不奏侍郎吳省蘭李潢太僕寺卿李光雲皆曾在伊家教讀並保列卿階兼任學政其大罪十一軍機處記名人員和坤任意撤去種種

專擅不可枚舉其大罪十二昨將和珅家產查抄所蓋楠木房屋僭侈踰制其多寶閣及隔段式樣皆仿照寧壽宮制度其園寓點綴竟與圓明園蓬島瑤台無異不知是何肺腸其大罪十三薊州墳塋居然設立享殿開置隧道致附近居民有和陵之稱其大罪十四伊家內所藏珠寶內珍珠手串竟有二百餘串較之大內多至數倍並有大珠較御用冠頂尤大其大罪十五又寶石頂並非伊應戴之物所藏眞寶石頂有數十餘個而大塊眞寶石不計其數且有內府所無者其大罪十六家內銀兩及衣物等件數逾千萬其大罪十七且夾牆藏金二萬六千餘兩私庫藏金六千餘兩地窖內並有埋藏銀兩百餘萬其大罪十八附京通州薊州地方均有當舖錢店查計貲本又有十餘萬以首輔大臣下與小民爭利其大罪十九伊家人劉全不過下賤家奴而查抄貲產竟至二十餘萬並有大珠珍珠手串若非縱令需索何得如此豐饒其大罪二十其餘貪縱狂妄之處尙難悉數實從來罕見罕聞者著將胡季堂原摺發交在京文武三品以上官員併翰詹科道閱看卽著悉心妥議具奏此內如有自抒所見者不妨另摺封陳若意見皆合卽連銜具奏至福長安祖父叔姪兄弟世受厚